

**«ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆ» ՀԻՄՆԱԴՐԱՄԻ
ԳԻՏԱԿԱՆ ԽՈՐՀՐԴԻ
ՈՐՈՇՈՒՄՆԵՐ**

**Արձանագրություն թիվ 1
28.09.2023 թ.**

1. ՀԱԱՀ գիտական խորհրդի 2023-2024 ուստարվա աշխատանքային պլանի հաստատման վերաբերյալ

Հաստատել ՀԱԱՀ գիտական խորհրդի 2023-2024 ուստարվա աշխատանքային պլանը:

2. Համալսարանի ստորաբաժանումների 2022-2023 ուստարվա տարեկան հաշվետվությունների հաստատման վերաբերյալ

Հաստատել ՀԱԱՀ ուսումնական ստորաբաժանումների 2022-2023 ուստարվա տարեկան հաշվետվությունները.

- Պարենամթերքի տեխնոլոգիաների ֆակուլտետ,
- Ագրոնոմիական ֆակուլտետ,
- Ագրարային ճարտարագիտության ֆակուլտետ,
- Անասնաբուժական բժշկագիտության և անասնաբուծության ֆակուլտետ,
- Ագրոբիզնեսի և տնտեսագիտության ֆակուլտետ,
- Ագրոբիզնեսի դեպարտամենտ,
- ՀԱԱՀ Վանաձորի մասնաճյուղ,
- ՀԱԱՀ Սիսիանի մասնաճյուղ,
- Շիրակի Մ. Թումանյանի անվան գ/տ քոլեջ մասնաճյուղ,
- Ա. Քոչինյանի անվան գ/տ քոլեջ,
- Հանրակրթական ծրագրերի ուսուցման վարժարան:

3. Համալսարանի 2022-2023 ուստարվա ուսումնական գործընթացի արդյունքների ու խնդիրների վերաբերյալ

3.1. Ընդունելի գիտություն

3.2. Հանձնարարել միջազգային կապերի դեպարտամենտի պետ Գ. Համբարձումյանին սեղմ ժամկետում մշակել ու Վ. Ուռուտյանին ներկայացնել օտար լեզվով մատուցվող առարկաների ցանկը և հանրայնացնել տվյալները:

3.3. Հանձնարարել միջազգային կապերի և կրթական բարեփոխումների աշխատանքների գծով պրոռեկտոր Մ. Մովսիսյանին՝ սեղմ ժամկետում ամփոփել, վերլուծել և հանրայնացնել ՀԱԱՀ վերջին տարիների շրջանավարտների ձեռնարկատիրական գործունեության վերաբերյալ հավաքագրված տվյալները:

4. ՀԱԱՀ մեթոդական խորհրդի դրական կարծիքով գիտխորհրդի հաստատմանը ներկայացված մի շարք հարցերի վերաբերյալ

4.1. «Քիմիայի դասընթաց» I և II հատոր, ձեռնարկը (հեղինակ դոցենտ ք.գ.թ. Ռ.Ա. Քարիմյան) երաշխավորել հրատարակման:

4.2. Հաստատել ագրարային ճարտարագիտության ֆակուլտետի կողմից երաշխավորված 071804.00.6 ծածկագրով «Ագրարային ճարտարագիտություն» մասնագիտության «Հողային և ջրային ռեսուրսների ճարտարագիտություն» կրթական ծրագրի ճարտարագիտության բակալավրիատի՝ 071804.02.6 և մագիստրատուրայի՝ 071804.02.7 մասնագիտական կրթական ծրագրերը:

4.3. Հաստատել միջին մասնագիտական կրթության դուալ ուսուցման ձևով «Կրտսեր ագրոնոմ» որակավորմամբ մասնագետի «Ագրոնոմիա» մասնագիտության ուսումնական պլանը:

4.4. Հաստատել ագրարային ճարտարագիտության ֆակուլտետի 2023-2024 ուստարվա առկա ուսուցման 3-րդ կուրսի «Գյուղատնտեսության էլիկտրիֆիկացիա և ավտոմատացում», «Գյուղատնտեսության մեքենայացում, մեքենաներ և սարքավորումներ» և «Փոխադրումների կազմակերպում և ճԵԿ» կրթական ծրագրերով նախատեսված առարկաների կիսամյակային տեղափոխությունը: 5-րդ կիսամյակի «Գյուղատնտեսության էլիկտրիֆիկացիա և ավտոմատացում» կրթական ծրագրի «Ավտոմատիկա և տեխ. գործ. ավտոմատացում» առարկան, ինչպես նաև «Գյուղատնտեսության մեքենայացում, մեքենաներ և սարքավորումներ» և «Փոխադրումների կազմակերպում և ճԵԿ» կրթական ծրագրերի «Մեխորատիվ մեքենաներ» առարկաները տեղափոխել 6-րդ կիսամյակ, իսկ նշված բոլոր կրթական ծրագրերի 6-րդ կիսամյակի «Ագրարային էկոնոմիկա և մենեջմենթ» առարկան տեղափոխել 5-րդ կիսամյակ:

5. ՀԱԱՀ գործող կանոնակարգերում առաջարկվող փոփոխությունների հաստատման հարցի վերաբերյալ

Հաստատել ՀԱԱՀ կանոնակարգերում առաջարկվող փոփոխությունները.

5.1. «Աշխատանքային կիսամյակի սկզբունքով պրակտիկայի կազմակերպման և անցկացման կանոնակարգ»-ի 1.1 կետի դրույթները փոփոխել և հաստատել հետևյալ խմբագրմամբ. «1.1. Սույն կանոնակարգով սահմանվում է ՀԱԱՀ-ում առկա ուսուցման աշխատանքային կիսամյակի սկզբունքով պրակտիկայի կազմակերպման և իրականացման կարգը»:

5.2. ՀԱԱՀ ֆակուլտետի կանոնակարգի 13-րդ հոդվածի դրույթները փոփոխել և հաստատել հետևյալ խմբագրմամբ. «Դեկանի տեղակալին պաշտոնի է նշանակում և պաշտոնից ազատում է համալսարանի ռեկտորը՝ պրոռեկտորի և դեկանի ներկայացմամբ»:

6. Հեռակա ուսուցման համակարգում ուսումնական կիսամյակի տևողությունը սահմանելու անհրաժեշտության հարցի վերաբերյալ

Հաստատել հեռակա ուսուցման համակարգի ուսումնական կիսամյակի տևողությունը.

➤ Հեռակա ուսուցման 1-ին կուրսի առաջին ուսումնական կիսամյակը սկսվում է այդ կուրս ընդունված ուսանողների հրամանագրման պահին և ավարտվում առաջին կանչի քննությունների վերահանձնման համար սահմանված վերջին օրը, եթե պետական կառավարման լիազոր մարմնի կողմից չկա սահմանված այլ ժամկետ:

➤ Հեռակա ուսուցման 1-ին կուրսի երկրորդ կիսամյակը և դրան հաջորդող բոլոր ուսումնական կիսամյակները սկսվում են տվյալ կիսամյակի կանչի մեկնարկին նախորդող շաբաթից և ավարտվում տվյալ կանչի քննությունների վերահանձնման համար սահմանված վերջին օրը, եթե պետական կառավարման լիազոր մարմնի կողմից չկա սահմանված այլ ժամկետ:

7. ՀԱԱՀ-ում կառուցվածքային փոփոխություններ կատարելու անհրաժեշտության հարցի վերաբերյալ

7.1. ՀԱԱՀ անասնաբուժական բժշկագիտության և անասնաբուծության ֆակուլտետում առարկաների քիչ տեղափոխությամբ պահպանել «Անասնաբուժական սանիտարական փորձաքննություն, սննդամթերքի անվտանգություն և հիգիենա», «Մորֆոլոգիա և կենդանագիտություն» ամբիոնները:

Միավորել «Թերապիա, վիրաբուժություն և ծննդագիտություն» և «Համաճարակաբանություն և մակաբուժաբանություն» ամբիոններն ու ձևավորել «Անասնաբուժության» ամբիոն:

7.2. Միավորել ՀԱԱՀ ագրարային ճարտարագիտության ֆակուլտետի «Կենսագործունեության անվտանգություն» ու «Գյուղատնտեսական մեքենաշինություն, ավտոմատացում և տեխնիկայի շահագործում» ամբիոնները և ձևավորել «Մեքենասարքավորումների ճարտարագիտության և տեխնիկական անվտանգության» ամբիոն:

7.3. Առաջարկությամբ դիմել ՀԱԱՀ հոգաբարձուների խորհրդին՝ հաստատելու ՀԱԱՀ գիտական խորհրդի որոշումը:

8. ՀԱԱՀ պարենամթերքի տեխնոլոգիաների ֆակուլտետի Բուսաբուժական մթերքների վերամշակման տեխնոլոգիաների ամբիոնում Գալուստ Վարդանի Պետրոսյանին որպես հայցորդ ձևակերպելու, ատենախոսական աշխատանքի թեմայի և գիտական ղեկավարի հաստատման հարցի վերաբերյալ

8.1. Գալուստ Վարդանի Պետրոսյանին ձևակերպել որպես հայցորդ պարենամթերքի տեխնոլոգիաների ֆակուլտետի բուսաբուժական մթերքների վերամշակման տեխնոլոգիաների ամբիոնում:

8.2. Թեկնածուական ատենախոսական աշխատանքի թեման հաստատել «Բուսական ծագման այլընտրանքային հումքատեսակների կիրառմամբ հրուշակեղենի արտադրության նոր տեխնոլոգիաների մշակում» անվանումով՝ Ե.18.01 - «Բուսական և

կենդանական ծագման մթերքների վերամշակման և արտադրության տեխնոլոգիա» մասնագիտությամբ:

8.3. Ատենախոսական աշխատանքի գիտական ղեկավար հաստատել տեխնիկական գիտությունների թեկնածու, դոցենտ Նարինե Գեղամի Հովհաննիսյանին:

9. ՀԱԱՀ պարենամթերքի տեխնոլոգիաների ֆակուլտետի Անասնաբուծական մթերքների վերամշակման տեխնոլոգիաների ամբիոնում Նվարդ Սպարտակի Մկրտչյանին որպես հայցորդ ձևակերպելու, ատենախոսական աշխատանքի թեմայի և գիտական ղեկավարի հաստատման հարցի վերաբերյալ

9.1. Նվարդ Սպարտակի Մկրտչյանին ձևակերպել որպես հայցորդ պարենամթերքի տեխնոլոգիաների ֆակուլտետի անասնաբուծական մթերքների վերամշակման տեխնոլոգիաների ամբիոնում:

9.2. Թեկնածուական ատենախոսական աշխատանքի թեման հաստատել «Սպիտակուցային հավելումների օգտագործմամբ չանախ պանրի արտադրության տեխնոլոգիայի կատարելագործում» անվանումով՝ Ե.18.01 - «Բուսական և կենդանական ծագման մթերքների վերամշակման և արտադրության տեխնոլոգիա» մասնագիտությամբ:

9.3. Ատենախոսական աշխատանքի գիտական ղեկավար հաստատել տեխնիկական գիտությունների դոկտոր, պրոֆեսոր Աշոտ Արմենի Աղաբաբյանին:

10. ՀԱԱՀ անասնաբուծական բժշկագիտության և անասնաբուծության ֆակուլտետի մորֆոլոգիայի և կենդանագիտության ամբիոնի առկա ուսուցման ասպիրանտ Միքայել Զոնիկի Միքայելյանի ատենախոսական աշխատանքի թեմայի և գիտական ղեկավարի հաստատման հարցի վերաբերյալ

10.1. ՀԱԱՀ անասնաբուծական բժշկագիտության և անասնաբուծության ֆակուլտետի մորֆոլոգիայի և կենդանագիտության ամբիոնի առկա ուսուցման ասպիրանտ Միքայել Զոնիկի Միքայելյանի թեկնածուական ատենախոսական աշխատանքի թեման հաստատել «Նոր սերնդի պրոբիոտիկների ազդեցությունը հավերի հիվանդաձին բակտերիաների դեմ» անվանումով՝ Ժ2.00.01 - «Անասնաբուծություն» մասնագիտությամբ:

10.2. Աշխատանքի գիտական ղեկավար հաստատել կենսաբանական գիտությունների դոկտոր, պրոֆեսոր Աստղիկ Զավենի Փեփոյանին:

ԳԻՏ. ԽՈՐՀՐԴԻ ՆԱԽԱԳԱՀ՝



Վ.Է. ՈՒՌՈՒՏՅԱՆ

ԳԻՏ. ԽՈՐՀՐԴԻ ՔԱՐՏՈՒՂԱՐ՝



Գ.Վ. ԱՎԱԳՅԱՆ